

11 di Março di 2020

Caro Comunidade di Scolas Publicus di Boston:

Scolas Públicus di Boston (BPS), juntamente ku cidade i funcionários di saúde, sta continua ta acompanha di perto dizenvolvimentu di crise di saúde relacionada ku coronavírus. Informassom a seguir é midjor informassom i recomendassom ki nu teni dispunível apartir di hoje. Visto ki coronavírus sta continua ta spadja, un pequeno números di Scolas i universidades na país intero, incluindo li na Massachusetts, fitxa pa uns dia ou más. Compreensivelmente, famílias sta comesa ta pergunta se em breve, Scolas Públicas di Boston sta fitxa tanbé alguns ou tudu ses Scolas.

Basiado na informassom ki nu tene hoje, médicos specialistas, incluindo Centros di Controle di Doenças (CDC), Comissom di Saúde Pública di Boston (BPHC) i Departamento di Saúde Pública (DPH) di Massachusetts ka recomenda pa nu fitxa Scolas na Boston n'es momento. Médicos i funcionários di saúde pública sabe más sobre protegi públicu di preocupassom relacionadu ku saúde i nu ta continua ta conta ku ses apoios i orientassom. Pa informassom más actualizadu (up-to-date) i pa medidas preventivas sobre modi ki bu pode manti saudável, visita bphc.org ou bostonpublicschools.org/coronavirus.

Nu ta intendi ki alguns pais pode scodgi, por excesso di cautela, ka dixu ses fidjus bai scola, apesar ki ke la é ka recomendassom di specialistas di saúde públicu. Se pais/responsaveis decidi na ka manda ses fidjus pa scola, es debe justifica kel ausência ku un carta ou e-mail.

BPS tanbé sta toma medidas adicionais pa asigura ki edificios i autocarros ser limpado. Nos Scolas sta ta ser limpado ku más frequências, nu toma extra medidas di precaussom na preparassom di alimentos, i um equipa dedicadu di adultos sta focadu na manti crianças seguru. Me tanbé djam pedi diretores di Scolas, pa pessoalmente monitora casas di banho um mínimo di três veze por dia pa garanti ki sta sabão suficianti. Se dispensadores di sabão, ka teni sabão suficiente, ou si es sta quebrados, professores, funcionários di scola i alunos deve notifica um membro di servisu di limpeza ou un membro di pessoal di scola.

Nu sta continua ta trabadja djunto ku cidade i funcionários di saúde pa faze u ki é midjor pa alunos i famílias i nu ta continua ta atualiza nhos conformi informassom ta bira dispunível.

Nu ka pode enfatiza keli suficianti: **nos primeru prioridade na BPS é saúde i bem-estar di nos alunos i famílias**. Keli ta ser nos foco principal à medida ki nu ta continua ta monitora situassom di perto ku nos specialistas di saúde públicu i determina midjor forma pa resolvi es continuo preocupassom di saúde pública.

Atenciosamenti,



Dra. Brenda Cassellius
Superintendente